

Petritsch i Barry pozivaju na demokratske reforme zakona o kleveti

Visoki predstavnik Wolfgang Petritsch i Sef Misije OSCE-a Robert Barry su danas poslali zajednicko pismo federalnom premijeru Edhemu Bicakcicu u kojem pozivaju na povlacenje predlozenog Zakona o kleveti koji je nedavno odobrila Vlada Federacije i proslijedila Parlamentu Federacije na usvajanje.

U pismu gosp. Bicakcicu, Petritsch i Barry ukazuju da predlozeni zakon ne uvazava osnovna prava i principe slobode izrazavanja koja su zasticena Evropskom konvencijom o ljudskim pravima i koja je siroko prihvacena u modernim demokracijama. Narocito sporne su tri odredbe: uvrstavanje uvrede, odredba kojom se propisuju visoke novcane kazne za novinare koji su osudjeni za klevetu i pravo izabranih i postavljenih zvanicnika da u sluzbenom svojstvu, podnesu tuzbe za odstetu.

Ambasadori Petritsch i Barry su pozvali Premijera da povuce prijedlog Zakona o kleveti i da saradjuje sa OHR-om, OSCE-om i drugim zainteresiranim stranama na izradi Zakona o slobodi izrazavanja, u skladu sa najvisim demokratskim standardima.

Odavajuci priznanje nastojanju Vlade da razrijesi vazna pitanja ovim prijedlogom Zakona, u pismu se takodjer navodi da prijedlog Zakona ne ispunjava zahtjeve navedene u Odluci Visokog predstavnika od 30. jula 1999. U Odluci se navodi rok 30. decembra 1999. za usvajanje Zakona i zahtjeva se formiranje konsultativnog procesa. Nijedan od ovih zahtjeva nije ispunjen.

U Odluci Visokog predstavnika jasno se navodi da ovaj Zakon treba pripremiti u skladu sa uputama OHR-a, Misije OSCE-a i eksperata. Proces ukljucuje formiranje Savjetodavne grupe u ciji rad ce biti ukljuceni imenovani Vladini predstavnici,

predstavnicima OHR-a i OSCE-a, kao i domaći i međunarodni eksperti, te predstavnici IMC-a. Proces izrade Zakona također uključuje javne konsultacije na svim nivoima. Na taj način će se osigurati razmatranje i diskutovanje svih aspekata Zakona o kleveti i Zakona o slobodi informisanja. Savjetodavna grupa je formirana a uključuje predstavnike izbrane od strane entitetskih vlasti. Kao što se navodi u pismu Savjetodavna grupa će omogućiti izradu Zakona o kleveti i Zakona o slobodi informisanja u skladu sa Odlukom Visokog predstavnika.